



Exitoso celebracion di 87 aña di Ike Cohen



ORANJESTAD (AAN) -- Diasabra 6 di Juni ultimo, durante e di dos "Manchebo Charity Fair", a worde celebra e cumpleaños di señor Ike Cohen, kende a yega na e bunita edad di 87 aña. E fiesta a tuma lugar na Manchebo Beach Resort, di 7 pa 12'or di anochi, y ta worde calcula cu como 600 persona a bin disfruta di bon cuminda, bebida y animacion musical cu cinco grupo masha popular. Manera DIARIO a publica si-

man pasa, tur cos tabata gratis, pero solamente pa contribui pa compra un van pa Casa Cuna cada persona a aporta un donacion di 79 florin den forma di ticket. E vehiculo bieu di Casa Cuna no tabata sigur mas pa transportacion di mucha, y pa logra e meta mester conta cu por lo menos 400 hende, pero aparentemente e cantidad aki a worde sobrepasa. Manera ta conoci riba cada carchi a aparece e seyo di "Moret Ernst & Young" cual

compania a ricibi e suma y a compra e van pa Casa Cuna, cual nos por mira awe, riba potret, y cu tur esnan cu a contribui na e causa noble aki, alavez cu a goza un mundo di un tremendo fiesta, por sinti nan mes orguyoso di a logra e meta. Riba potret por mira Sr. Ike Cohen ta parti e bolo, por observa parti di e publico, y asina haya un impresion di e ambiente tremendo cu a acompaña Sr. Cohen den e fiesta inolvidable aki.



SUZUKI



ALTO

- * 4 Cylinder
- * 4-door
- * Airconditioned
- * Radio am/fm Cassette

AFL. 17.950,-

JUST COMPARE!



Rondeweg 1 - Tel: 837100